

後漢書

二十三

宋本後漢書

卷十四 卷十五

第三冊

宗室四王三侯列傳第四 范曄 後漢書

齊武王縯傳

子北海靜王興



齊武王縯字伯升

縯引也音衍

光武之長兄也性

剛毅慷慨有大節自王莽篡漢常憤憤懷

復社稷之慮不事家人居業傾身破產交

結天下雄俊莽末盜賊羣起南方尤甚伯

升召諸豪傑計議曰王莽暴虐百姓分崩

今枯旱連年兵革並起

東觀記曰王莽末年天下大旱蝗蟲蔽天盜賊

羣起四方潰畔此亦天亡之時復高祖之業定萬世

之秋也衆皆然之於是分遣親客使鄧晨

起新野光武與李通李軼起於宛伯升自

發舂陵子弟合七八千人部署賓客自稱

柱天都部

柱天者若天之柱也都部者都統其衆也

使宗室劉嘉往

誘新市平林兵王匡陳牧等合軍而進屠

長聚及唐子卿殺湖陽尉進拔棘陽因欲

攻宛至小長安與王莽前隊大夫甄阜屬



正梁丘賜戰時天密霧漢軍大敗姊元弟

仲皆遇害宗從死者數十人伯升復收會

兵衆還保棘陽阜賜乘勝留輜重於藍鄉

比陽縣有藍鄉引精兵十萬南渡潢渚

酈元注水經曰諸水二胡流注

合爲黃水又南經棘陽縣之黃渚聚又謂之黃渚水在今唐州湖陽縣蕭該音渚作諄者誤○劉攽曰潢字據注唯當作黃臨泚水阻兩川閒爲營絕後橋示無

還心新市平林見漢兵數敗阜賜軍大至

各欲解去伯升甚患之會下江兵五千餘

伏虎

後傳曰

二

宋

人至宜秋宜秋聚名在泚陽縣乃往爲說合從之勢下

江從之語在王常傳伯升於是大饗軍士

設盟約休卒三日分爲六部潛師夜起襲

取藍鄉盡獲其輜重明日漢軍自西南攻

甄阜下江兵自東南攻梁丘賜至食時賜

陳潰阜軍望見散走漢兵急追之却迫潢

渚水斬首溺死者二萬餘人遂斬阜賜王

莽納言將軍嚴尤秩宗將軍陳茂聞阜賜

齊武王

軍敗引欲據宛伯升乃陳兵誓衆焚積聚

破釜甑鼓行而前

破釜甑示必死也鼓行而前言無所畏也史記曰項羽北

救趙渡河沈船破釜甑

與尤茂遇育陽下戰大破之斬

首三千餘級尤茂棄軍走伯升遂進圍宛

自號柱天大將軍王莽素聞其名大震懼

購伯升邑五萬戶黃金十萬斤位上公使

長安中官署及天下鄉亭皆畫伯升像於

塾且起射之

蕭該音義亦作塾引字林塾門側堂也東觀記續漢書並作埽案說文云

射臬也廣雅埽的也埽音之允反

自阜賜死後百姓日有降者

衆至十餘萬諸將會議立劉氏以從人望

豪傑咸歸於伯升而新市平林將帥樂放

縱憚伯升威明而貪聖公懦弱先共定策

立之然後使騎召伯升示其議伯升曰諸

將軍幸欲尊立宮室其德甚厚然愚鄙之

見竊有未同今赤眉起青徐衆數十萬聞

南陽立宗室恐赤眉復有所立如此必將

內爭今王莽未滅而宗室相攻是疑天下而自損權非所以破莽也且首兵唱號鮮有能遂陳勝項籍即其事也春陵去宛三百里耳未足為功遽自尊立為天下準的使後人得承吾敝前書宋義曰戰勝則兵疲我承其敝非計之善者也今且稱王以號令若赤眉所立者賢相率而往從之若無所立破莽降赤眉然後舉尊號亦未晚也願各詳思之諸將多

史記卷六十五

後漢書

卷

錄

曰善將軍張卬拔劍擊地曰疑事無功

史記

曰趙武靈王欲被胡服肥義曰疑事無功疑行無名

今日之議不得有二

衆皆從之聖公既即位拜伯升為大司徒封漢信侯由是豪傑失望多不服平林後部攻新野不能下新野宰登城言曰王莽改今長為

宰東觀記曰其宰潘臨也

得司徒劉公一信願先下及伯

升軍至即開城門降五月伯升拔宛六月光武破王尋王邑自是兄弟威名益甚更

齊武王

始君臣不自安遂共謀誅伯升乃大會諸

將以成其計更始取伯升寶劍視之繡衣

御史申徒建隨獻玉玦繡衣御史武帝置衣繡者尊寵之也玦決也令

早決更始竟不能發及罷會伯升舅樊宏

謂伯升曰昔鴻門之會范曾舉玦以示項

羽史記曰項王留沛公飲項伯東向坐范曾南向坐沛公北向坐范曾數目項王舉所佩玉玦者三項

王默然不應鴻門地名在新豐東七十里今建此意得無不善乎伯

升笑而不應初李軾諂事更始貴將貴將朱鮪等也

大子八長信四

光武深疑之常以戒伯升曰此人不可復

信又不受伯升部將宗人劉稷數滔陳濱

圍勇冠三軍時將兵擊魯陽魯陽縣屬南郡今汝州魯山縣

也聞更始立怒曰本起兵圖大事者伯升

兄弟也今更始何為者邪更始君臣聞而

心忌之以稷為抗威將軍稷不肯拜更始

乃與諸將陳兵數千人先收稷將誅之伯

升固爭李軾朱鮪因勸更始并執伯升即

日害之有二子建武二年立長子章為太
原王興為魯王十一年徙章為齊王十五
年追謚伯升為齊武王章少孤光武感伯
升功業不就撫育恩愛甚篤以其少貴欲
令親吏事故使試守平陰令

試守者稱職滿
歲為真平陰縣

屬河南郡應劭云在平津南故曰平陰魏文帝改為河
陰故城在今洛陽縣東北濟州平陰縣東北五里亦有
平陰故城遷梁郡太守

今宋州也

立二十一年薨謚曰

哀王子殤王石嗣

劉放曰案殤者不成人之名
今王石立二十四年不可以殤

秋加

後

六

謚蓋是建武二十七年石始就國三十年封

煬字

石弟張為下博侯永平十四年封石二子

為鄉侯石立二十四年薨子晃嗣下博侯

張以善論議十六年與奉車都尉竇固等

續漢志奉車都尉比二千石無負掌御乘輿車

並出擊匈奴後進者多

害其能數被譖訴建初中卒肅宗下詔褒

揚之復封張子它人奉其祀晃及弟利侯

剛與母太姬宗更相誣告章和元年有司

奏請免晃剛爵為庶人徙丹陽

丹陽故郡城在今潤州江

寧縣東南

帝不忍下詔曰朕聞人君止屏有所

不聽

白虎通曰所以設屏何以自障也示不極臣下之敬也天子德大故外屏諸侯德小故內屏

宗尊為小君

諸侯之妻稱曰小君

宮衛周備出有輜輶

之節

輜輶有擁蔽之車也列女傳曰齊孝公華孟姬謂公曰妾聞妃后踰國必乘安車輜輶下堂必

從傳毋保阿進退則鳴玉珮內飾則結綢繆所以正心一意自斂制也

入有牖戶之

固殆不至如譖者之言

何休注公羊傳曰如其事曰訴加誣焉曰譖

晃剛愆乎至行濁乎大倫

濁猶汙也倫理也孔子曰欲繫其身而亂

大倫甫刑三千莫大不孝朕不忍置之于理

其貶晃爵為蕪湖侯

蕪湖解見章紀

削剛戶三千

於戲小子不勗大道控于法理以墮宗緒

控引也墮毀也

其遣謁者收晃及太姬璽綬晃立十

七年而降爵晃卒子無忌嗣帝以伯升創

大業而後嗣罪廢心常愍之時北海亦絕

無後及崩遺詔復一國永元二年乃復封

無忌為齊王是為惠王立五十二年薨子

齊武王

項王喜嗣立五年薨子承嗣建安十一年
國除

論曰大丈夫之鼓動拔起其志致蓋遠矣

若夫齊武王之破家厚士豈游俠下客之

為哉下客謂毛遂馮煖之徒也其慮將存乎配天之絕業

而痛明堂之不祀也王者以遠祖配天以父配上帝於明堂將以存其絕

業復其祭祀及其發舉大謀在倉卒擾攘之中使

信先成於敵人新野宰潘臨云請劉公一信而降赦岑彭以

顯義初彭守宛食盡降漢諸將欲誅之伯升曰今舉大事當表義士不如封之以勸其後更始封彭

若此足以見其度矣志高慮遠禍發

所忽謂不用樊宏光武之言忽輕也司馬相如曰禍故多藏於隱微而發於人之所忽也嗚呼

古人以蜂蠱為戒蠱蠅也左傳臧文仲謂魯君曰君其無謂邾小蜂蠱有毒而况

蓋畏此也詩云敬之敬之命不易哉詩周

北海靖王興建武二年封為魯王嗣光武

兄仲初南頓君娶同郡樊重女字嬀都嬀

胡

開反說文
嫺雅也

嫺都性婉順自為童女不正容服

不出於房宗族敬焉生三男三女長男伯
升次仲次光武長女黃次元次伯姬皇妣
以初起兵時病卒宗人樊巨公收斂焉建
武二年封黃為湖陽長公主伯姬為寧平
長公主元與仲俱歿於小長安追爵元為
新野長公主十五年追謚仲為魯哀王興
其歲試守緱氏令為人有明略善聽訟甚

大邑三十一

治傳四

九

西

得名稱遷弘農太守亦有善政

續漢書曰弘農縣吏張申

有伏罪興收申案論郡中震慄時年旱分遣文學循行屬縣理冤獄宥小過應時甘雨降澍

視事

四年上疏乞骸骨徵還京師奉朝請二十

十七年始就國明年以魯國益東海

續漢書曰

二郡二十九縣
租入倍諸王也

故徙興為北海王三十年封

興子復為臨邑侯

臨邑縣屬東海故城在今
濟州東亦名馬坊城也

中

元二年又封興二子為縣侯顯宗器重興

每有異政輒乘驛問焉立二十九年薨子

北海靖王

敬王睦嗣睦少好學博通書傳光武愛之

數被延納顯宗之在東宮尤見幸待入侍

諷誦出則執轡乘輿尊者居中執轡在左中興初禁網尚

闊而睦性謙好士千里交結自名儒宿

德莫不造門由是聲價益廣永平中法憲

頗峻睦乃謝絕賓客放心音樂然性好讀

書常為愛翫歲終遣中大夫奉璧朝賀中大夫王國官也續漢志曰中大夫比六百石無負掌奉玉使京都奉璧賀正月及使諸國本皆持節後去節爾雅

曰肉倍好謂之璧好孔也召而謂之曰朝廷設問寡人謂天子也大夫將何辭以對使者曰大王忠孝

慈仁敬賢樂士臣雖螻蟻敢不以實睦曰

吁子危我哉吁音于孔安國注尚書曰吁者疑怪之聲也此乃孤劫

時進趣之行也東觀記續漢書並云是吾幼時狂恚之行也大夫其

對以孤襲爵以來志意衰惰聲色是娛犬

馬是好使者受命而行其能屈申若此初

靖王薨悉推財產與諸弟雖王車服珍寶

非列侯制皆以為分然後隨以金帛贖之
睦能屬文作春秋百義終始論及賦頌數
十篇又善史書當世以為楷則及寢病帝
驛馬令作草書尺牘十首

說文云牘書板也蓋長一尺因取名焉

立十年薨子哀王基嗣永平十八年封基
二弟為縣侯二弟為鄉侯建初二年又封
基弟毅為平望侯基立十四年薨無子肅
宗憐之不除其國永元二年和帝封睦庶

北海王

威為北海王

奉睦

後立

七年

威

子斟鄉侯威為北海王奉睦後立七年威
以非睦子又坐誹謗檻車徵詣廷尉道自
殺永初元年鄧太后復封睦孫壽光侯普
為北海王是為項王延光二年復封睦少
子為亭侯普立七年薨子恭王翼嗣立十
四年薨子康王嗣無後建安十一年國除
初臨邑侯復好學能文章永平中每有講
學事輒令復典掌焉與班固賈逵共述漢

史傳毅等皆宗事之復子駒駮及從兄平望侯毅並有才學永寧中鄧太后召毅及駒駮入東觀與謁者僕射劉珍與平望侯毅並在文苑傳著中興以下名臣列士傳駒駮又自造賦頌書論凡四篇

趙孝王良傳

趙孝王良字次伯光武之叔父也平帝時舉孝廉為蕭令光武兄弟少孤良撫循甚

狀如九

依傳四

一三

二五

篤及光武起兵以事告良大怒

東觀記曰光武初起兵良

搏手大呼曰我欲誦納言嚴將軍叱上起去出閣令人視之還白方坐啗脯良復謹呼上言不可謹露明旦欲去前亡良曰欲竟何時誦嚴將軍所曰汝與伯升

志操不同今家欲危亡而反共謀如是既

而不得已從軍至小長安漢兵大敗良妻

及二子皆被害

續漢書曰阜賜移書於良曰老子不率宗族單綉騎牛哭且行何足

賴更始立以良為國三老從入關更始敗

良聞光武即位乃亡奔洛陽建武二年封

趙孝王

良為廣陽王五年徙為趙王始就國十三年降為趙公頻歲來朝十七年薨于京師凡立十六年子節王栩嗣栩音況羽反建武三十年封栩二子為鄉侯建初二年復封栩十子為亭侯栩立四十年薨子項王商嗣永元三年封商三弟為亭侯元年封商四子為亭侯商立二十三年薨子靖王宏立十二年薨子惠王乾嗣元初五年封乾二弟

長沙抄

以信四

一三二

書

為亭侯是歲趙相奏乾居父喪私娣小妻

小妻 妻也

又白衣出司馬門坐削中丘縣

王宮門有

兵衛亦為司馬門東觀記曰乾私出國到魏郡鄴易陽止宿亭令奴金盜取亭席金與亭佐孟常爭言以刃傷常部吏追逐乾藏逃金絞殺之懸其屍道邊樹相國舉奏詔書削中丘縣屬趙國故城在今邢州內丘縣西隨室諱忠故改為內為。劉放曰注前中丘縣屬趙國案文當更有中丘二字時郎中南陽

程堅素有志行拜為乾傅堅輔以禮義乾改悔前過堅上復所削縣本初元年封乾一子為亭侯乾立四十八年薨子懷王豫

趙孝王

嗣豫薨子獻王赦嗣赦薨子珪嗣建安十
八年徙封博陵王立九年魏初以為崇德
侯

城陽恭王祉傳

城陽恭王祉字巨伯東觀記初名終後改為祉光武族兄

春陵康侯敞之子也敞曾祖父節侯買以

長沙定王子封於零道之春陵鄉為春陵

侯買卒子戴侯熊渠嗣熊渠卒子考侯仁

九十九

依傳四

古

云

嗣仁以春陵地勢下溼山林毒氣上書求

減邑內徙東觀記曰考侯仁於時見戶四百七十

墓二元帝許之元帝初元四年徙封南陽之白水鄉

猶以春陵為國名遂與從弟鉅鹿都尉回

及宗族往家焉仁卒子敞嗣敞謙儉好義

盡推父時金寶財產與昆弟荊州刺史上

其義行拜廬江都尉南陽郡是荊州所管故刺

侯等助祭明堂以例益戶二百歲餘會族兄安眾

城陽恭王

侯劉崇起兵

安衆康侯丹長沙定王子崇即丹之玄孫之子

王莽畏惡

劉氏徵敞至長安免歸國

東觀記曰敞臨廬江歲餘遭旱行縣人持

枯稻自言稻皆枯吏強責租敞應曰太守事也載枯稻至太守所酒數行以語太守太守曰無有敞以枯稻示之太守曰都尉事也敞怒叱太守曰鼠何敢爾刺史舉奏莽徵到長安免就國先是平帝時

敞與崇俱朝京師助祭明堂

平帝時王莽輔政裕祭明堂諸

侯王二十八人列侯百二十人宗室子九百餘人徵助祭也

崇見莽將危漢室

私謂敞曰安漢公擅國權羣臣莫不回從

社稷傾覆至矣太后春秋高天子幼弱

謂元后平帝也

高皇帝所以分封子弟蓋為此也敞

心然之及崇事敗敞懼欲結援樹黨乃為

社娶高陵侯霍宣女為妻

宣丞相方進之子也襲父侯爵東觀記曰

敞為嫡子終娶宣子女習為妻宣使嫡子姬送女入門二十餘日義起兵也

會宣弟義

起兵欲攻莽南陽捕殺宣女社坐繫獄敞

因上書謝罪願率子弟宗族為士卒先莽

新居攝欲慰安宗室故不被刑誅及莽篡

立劉氏為侯者皆降稱子食孤卿祿

孤者特也

城陽恭王

卑於公尊於卿特置之故曰孤禮記上農夫食九人諸侯下士視上農夫中士倍下士上士倍中士下大夫倍上士卿四大夫祿也

後皆奪爵及敞卒社遂特見廢又

不得官為吏社以故侯嫡子行淳厚宗室皆敬之及光武起兵社兄弟相率從軍前隊大夫甄阜盡收其家屬繫宛獄及漢兵敗小長安社挺身還保棘陽甄阜盡殺其母弟妻子更始立以社為太常將軍紹封春陵侯從西入關封為定陶王別將擊破

伏虎

及後四

十六

六

劉嬰於臨涇及更始降於赤眉社乃閒行亡奔洛陽是時宗室唯社先至光武見之

歡甚

東觀記曰社以建武二年三月見於懷宮

建武二年封為城陽

王賜乘輿御物車馬衣服追謚敞為康侯十一年社疾病上城陽王璽綬願以列侯奉先人祭祀帝自臨其疾社薨年四十三謚曰恭王竟不之國葬於洛陽北芒十三年封社嫡子平為蔡陽侯以奉社祀平

堅為高鄉侯初建武二年以皇祖皇考墓
為昌陵置陵令守視後改為章陵因以春
陵為章陵縣十八年立考侯康侯廟比園
陵置嗇夫嗇夫本鄉官主知賦役多少平其
差品園陵置之知祭祀徵求諸事詔零
陵郡奉祠節侯戴侯廟以四時及臘歲五
祠焉臘歲終祭
神之各也置嗇夫佐吏各一人劉放曰
案後漢志
縣小吏有嗇夫有佐史
則此吏字當作史也平後坐與諸王交通國

除永平五年顯宗更封平為竟陵侯平卒
子真嗣真卒子禹嗣禹卒子嘉嗣

泗水王欽傳

泗水王欽字經孫欽音許
及反光武族父也欽子
終與光武少相親愛漢兵起始及唐子終
誘殺湖陽尉更始立欽從入關封為元氏
三終為侍中更始敗欽終東奔洛陽建武
二年立欽為泗水王終為淄川王今淄州
縣也十
年欽薨封小子燁為堂谿侯燁字林云灼也
音充善反續漢

泗水王

志汝南吳房縣有奉歎後終居喪思慕哭泣二

十餘日亦薨封長子柱為郎侯即縣屬南郡故城在今襄

州郎音以奉終祀又封終子鳳曲陽侯曲陽縣屬東海

其紀反郡故城在今海歎從父弟茂年十八漢兵之

起茂自號劉失職續漢志曰茂自亦聚眾京

密間京郡屬河南郡鄭之京邑故城在今公鄭州滎陽縣東南密縣屬河南郡故城在今密縣東南

稱厭新將軍攻下潁川汝南眾十餘萬人

光武既至河內茂率眾降封為中山王十

大指

及信口

三年宗室為王者皆降為侯更封茂為穰

侯茂弟匡亦與漢兵俱起建武二年封宜

春侯為人謙遜永平中為宗正子浮嗣封

朝陽侯朝陽縣屬南郡故城在今鄧州穰縣南今謂之朝城浮弟尚永元

中為征西將軍浮傳國至孫護無子封絕

延光中護從兄瓌與安帝乳母王聖女伯

榮私通遂取伯榮為妻得紹護封為朝陽

侯位侍中及王聖敗貶爵為亭侯

泗水王

安成孝侯賜傳

安成孝侯賜字子琴光武族兄也祖父利

蒼梧太守

蒼梧郡今梧州縣也

賜少孤兄顯報怨殺人

吏捕顯殺之賜與顯子信賣田宅同拋

普交

反財產結客報吏

續漢書曰王莽時諸劉抑廢為郡縣所侵蔡陽國金亭侯

長醉詢更始父子張子張怒刺殺亭長後十餘歲亭長子報殺更始弟騫賜兄願欲為報怨賓客轉劫人發覺

州縣殺顯獄中賜與顯子信結客陳政等九人燔燒殺亭長妻子四人。劉放曰注金亭侯長案下文云刺殺

亭長則此當云金侯亭長蓋此亭名金侯也

皆亡命逃伏遭赦歸會

史記

卷四

十九

中

伯升起兵乃隨從攻擊諸縣更始既立以

賜為光祿勳封廣漢侯及伯升被害代為

大司徒將兵討汝南未及平更始又以信

為奮威大將軍代賜擊汝南賜與更始俱

到洛陽更始欲令親近大將徇河北未知

所使賜言諸家子獨有文叔可用大司馬

朱鮪等以為不可更始孤疑賜深勸之乃

拜光武行大司馬持節過河是日以賜為

安成孝侯

丞相令先入關修宗廟宮室還迎更始都

長安封賜為宛王拜前大司馬使持節鎮

撫關東二年春賜就國於宛典將六部兵

伯升初起置六部之兵後赤眉破更始賜所領六部亦

稍散畔乃去宛保育陽聞光武即位乃西

之武關迎更始妻子將詣洛陽帝嘉賜忠

建武二年封為慎侯慎縣屬汝南郡故城在今潁州潁上縣西北十

三年更增戶邑定封為安成侯奉朝請以

水滸九

汲傳四

二

一云

賜有恩信故親厚之數謙私時幸其第恩

賞特異賜輒賑與故舊無有遺積帝為營

冢堂起祠廟置吏卒如春陵孝侯二十八

年卒子閔嗣三十年帝復封閔弟嵩為白

牛侯白牛蓋鄉亭之號也今在鄧州東也坐楚事謂楚王英謀反辭語

相連國除閔卒子商嗣徙封為白牛侯商

卒子昌嗣初信為更始討平汝南因封為

汝陰王汝陰屬汝州南郡故城也信遂將兵平定

成武孝侯

江南據豫章光武即位桂陽太守張隆擊破之信乃詣洛陽降以為汝陰侯永平十三年亦坐楚事國除

成武孝侯順傳

成武孝侯順字平仲光武族兄也父慶

續漢

志慶字翁敖

春陵侯敞同產弟順與光武同里閼

閼里門也

少相厚更始即位以慶為燕王順為

虎牙將軍會更始降赤眉慶為亂兵所殺

順乃閒行詣光武拜為南陽太守建元二

年封成武侯

成武縣屬山陽郡今曹州縣也

邑戶最大租入

倍宗室諸家八年使擊破六安賊

六安即廬州也因

拜為六安太守數年帝欲徵之吏人上書

請留十一年卒帝使使者迎喪親自臨弔

子遵嗣坐與諸王交通降為端氏侯

端氏縣屬

河東郡故城在今澤州端氏縣西北

遵卒子弇嗣弇卒無嗣國除

永平十年顯宗幸章陵追念舊恩封順弟

成武孝侯

子三人為鄉侯初順叔父弘

東觀記曰弘字孺孫先起義兵

卒娶於樊氏皇妣之從妹也生二子敏國

與母隨更始在長安建武二年詣洛陽光

武封敏為甘里侯

潁川潁上縣西北有甘城

國為弋陽侯

弋陽縣屬汝南郡侯國也故城在今光州定城縣西也

敏通經有行永平初

官至越騎校尉弘弟梁以俠氣聞

東觀記曰梁字季少

更始元年起兵豫章欲徇江東自號就漢

大將軍暴病卒

東觀記曰病筋攣卒

順陽懷侯嘉傳

順陽懷侯嘉字孝孫光武族兄也父憲

續漢

志曰憲字翁君

春陵侯敞同產弟嘉少孤性仁厚南

頓君養視如子後與伯升俱學長安習尚

書春秋及義兵起嘉隨更始征伐漢軍之

敗小長安也嘉妻子遇害更始即位以為

偏將軍及攻破宛封興德侯遷大將軍擊

延岑於冠軍降之更始既都長安以嘉為

漢中主扶威大將軍持節就國都於南鄭
衆數十萬建武二年延岑復反攻漢中圍
南鄭嘉兵敗走岑遂定漢中進兵武都爲
更始柱功侯李寶所破岑走天水公孫述
遣將侯丹取南鄭嘉收散卒得數萬人以
寶爲相從武都南擊侯丹不利還軍河池
下辨河池縣屬武都郡一名仇池今鳳州復與延
岑連戰岑引北入散關散關故城在今陳倉縣南十里有散谷水因取

名至陳倉嘉追擊破之更始鄧王廖湛將

赤眉十八萬攻嘉嘉與戰於谷口谷口縣故城今醴泉

縣東北四十里酈元水經注曰涇水東經九峻山東中山西謂之谷口大破之嘉手

殺湛遂到雲陽就穀李寶等聞鄧禹西征
擁兵自守勸嘉且觀成敗光武聞之告禹
曰孝孫素謹善少且親愛當是長安輕薄
兒誤之耳禹即宣帝旨嘉乃因來歙詣禹
於雲陽三年到洛陽從征伐拜爲千乘太

順陽懷侯

守六年病上書乞骸骨徵詣京師十三年封為順陽侯秋復封嘉子璠為黃李侯十五年嘉卒子參嗣有罪削為南鄉侯永平中參為城門校尉參卒子循嗣循卒子章嗣

贊曰齊武沈雄義戈乘風以義舉兵乘風雲之會也倉卒
匪圖亡我天工城陽阜協趙孝晚同泗水
三侯或恩或功

王三侯列傳第四



李王鄧來列傳第五 范曄

李通傳

後漢書卷十五



李通字次元南陽宛人也世以貨殖著姓

父守身長九尺容貌絕異為人嚴毅居家

如官廷續漢書曰守居家與子孫尤謹閨門之內如官廷也初事劉歆好

星歷讖記為王莽宗卿師平帝五年王莽攝政郡國置宗師以主宗

室蓋時尊之故通亦為五威將軍從事出補

巫丞有能名王莽置五威將軍從事謂驅使小官也前書秦御史監郡與蕭何從事辨

之巫縣屬南郡故城在今夔州巫山縣北也莽末百姓愁怨通素聞

守說讖云劉氏復興李氏為輔私常懷之

且居家富逸為閭里雄以此不樂為吏乃

自免歸及下江新市兵起南陽騷動騷亦動也

通從弟軼亦素好事乃共計議曰今四方

擾亂新室且亡漢當更興南陽宗室獨劉

伯升兄弟沈愛容眾可與謀大事通笑曰

吾意也會光武避事在宛通聞之即遣軼

往迎光武

續漢書曰先是李通同母弟申徒臣能為醫難使伯升殺之上恐其怨不欲與

軼相見軼數請上乃強見之軼深達通意上乃許往意不安買半車佩刀懷之至通舍通甚悅握上手得半車

刀謂上曰一何武也上曰倉卒時以備不虞耳光武初以通士君子相

慕也故往答之及相見共語移日握手極

歡通因具言議文事光武初殊不意未敢

當之時守在長安光武乃微觀通曰即如

此當如宗鄉師何通曰已自有度矣度計度也

音大反因復備言其計光武既深知通意乃

遂相約結定謀議期以材官都試騎士日

漢法以立秋日都試騎士謂課殿最也翟義誅王莽以九月都試日勒車騎材官士是也欲劫前

隊大夫及屬正前隊大夫謂南陽太守甄阜也屬正謂梁丘賜也因以

號令大衆乃使光武與軼歸春陵舉兵以

相應遣從兄子季之長安以事報守季於

道病死守密知之欲亡歸素與邑人黃顯

相善時顯為中郎將聞之謂守曰今關門

禁嚴君狀貌非凡將以此安之不如詣闕

自歸事既未然脫可免禍守從其計即上
書歸死章未及報留闕下會事發覺通得
亡走莽聞之乃繫守於獄而黃顯為請曰
守聞子無狀無狀謂禍大不可名言其狀也不敢逃亡守義
自信歸命宮闕臣顯願質守俱東曉說其
子如遂悖逆令守北向刎首以謝大恩割
也莽然其言會前隊復上通起兵之狀莽
怒欲殺守顯爭之遂并被誅及守家在長

二五

卷五

三

安者盡殺之南陽亦誅通兄弟門宗六十
四人皆焚屍宛市時漢兵亦已大合通與
光武李軼相遇棘陽遂共破前隊殺甄阜
梁丘賜更始立以通為柱國大將軍輔漢
侯從至長安更拜為大將軍封西平王軼
為舞陰王通從弟松為丞相更始使通持
節還鎮荊州通因娶光武女弟伯姬是為
寧平公主寧平縣屬淮陽國也光武即位徵通為衛尉

王通

建武二年封固始侯拜大司農帝每征討
四方常令通居守京師鎮撫百姓修宮室
起學官五年春代王梁為前將軍六年夏
領破姦將軍侯進捕虜將軍王霸等十營
擊漢中賊賊謂延岑也公孫述遣兵赴救通等與
戰於西城破之西城縣屬漢中郡也還屯田順陽順陽縣名屬南
寵以病上書乞身詔下公卿羣臣議大司

郡哀帝改為博山故城在今鄧州穰縣西

時天下略定通思欲避榮

大三四三

右伍五

四

上

徒侯霸等曰王莽篡漢傾亂天下通懷伊
呂蕭曹之謀建造大策扶助神靈輔成聖
德破家為國忘身奉主有扶危存亡之義
功德最高海內所聞通以天下平定謙讓
辭位夫安不忘危宜令通居職療疾欲就
諸侯不可聽於是詔通勉致醫藥以時視
事其夏引拜為大司空通布衣唱義助成
大業重以寧平公主故特見親重然性謙

李通

恭常欲避權執素有消疾

消消中之疾也周禮天官職曰春有瘠

鄭玄注云瘠酸削也

自為宰相謝疾不視事連年乞

骸骨帝每優寵之令以公位歸第養疾通

復固辭積二歲乃聽上大司空印綬以特

進奉朝請有司奏請封諸皇子帝感通首

創大謀即日封通少子雄為召陵侯每幸

南陽常遣使者以太牢祠通父冢十八年

卒謚曰恭侯帝及皇后親臨弔送葬子音

大二十一小六分方

及行五

五

八

嗣音卒子定嗣定卒子黃嗣黃卒子壽嗣

東觀記曰黃字作箕字

李軼後為朱鮪所殺更始之敗

李松戰死唯通能以功名終永平中顯宗

幸宛詔諸李隨安眾宗室會見

安眾縣屬南陽郡故城在

鄧州東謝承書曰安眾侯劉崇長沙定王五代孫南陽宗室也與宗人討莽有功隨光武河北破王郎朝廷高

其忠壯策文嗟歎以厲宗室安眾諸劉皆其後

並受賞賜恩寵篤焉

論曰子曰富與貴是人之所欲不以其道

得之不處也

論語之文

李通豈知夫所欲而未

李通

識以道者乎夫天道性命聖人難言之況

乃億測微隱猖狂無妄之福微隱謂識文也莊子曰猖狂妄

行易无妄卦曰无妄之往何之矣鄭玄注云妄之言望人所望宜正行必有所望行而無所望是失其正何可

往也即史記未英曰代有無汗滅親宗以缺一切望之福又有無望之禍是也

之功哉停水曰汗言族滅而汗池之也缺昔蒙穀

負書不徇楚難戰國策曰吳楚戰於柘舉吳師入郢蒙穀奔入宮負離次之典浮江

逃於雲夢之中後昭王及郢五官失法百姓昏亂蒙穀獻典五官得法百姓大化校蒙穀之功與存國相若封

之執圭蒙穀怒曰穀非人臣也社稷之臣也即墨用

齊義雪燕耻史記曰燕昭王伐齊湣王敗出土燕人入臨菑盡取齊寶燒其宮室宗廟

下齊七十餘城其不下者唯獨莒即墨後齊田彼之

趣舍所立其殆與通異乎

王常傳

王常字顏卿潁川舞陽人也東觀記曰其先

哀間轉客潁川舞陽因家焉也王莽末為弟報仇亡命江夏

命者名也言背其名籍而逃亡也久之與王鳳王匡等起兵雲

杜綠林中聚眾數萬人以常為偏裨攻傍

李通王常

縣後與成丹張卬別入南郡藍口號下江

兵續漢志曰南郡有藍口聚王莽遣嚴尤陳茂擊破之

常與丹卬收散卒入萇谿萇音力于反劫略鍾龍

間盛弘之荊州記曰永陽縣北有石龍山在今安州應山縣東北文隨州隨縣東北有三鍾山也衆

復振引軍與荊州牧戰於上唐大破之唐上

鄉名故城在今隨州棗陽縣東北也遂北至宜秋續漢志曰南郡有宜秋聚也是

時漢兵與新市平林衆俱敗於小長安各

欲解去伯升聞下江軍在宜秋即與光武

五三 以信五 七

及李通俱造常壁曰願見下江一賢將議

大事成丹張卬共推遣常伯升見常說以

合從之利以利合曰從常大悟曰王莽篡弑殘虐

天下百姓思漢故豪傑並起今劉氏復興

即真主也誠思出身爲用輔成大功伯升

曰如事成豈敢獨饗之哉遂與常深相結

而去常還具謂丹卬言之丹卬負其衆皆

曰大丈夫既起當各自爲主何故受人制

王莽

乎常心獨歸漢乃稍曉說其將帥曰往者
成哀衰微無嗣故王莽得承間篡位既有
天下而政令苛酷積失百姓之心民之謳
吟思漢非一日也故使吾屬因此得起夫
民所怨者天所去也民所思者天所與也
舉大事必當下順民心上合天意功乃可
成若負強恃勇觸情恣欲雖得天下必復
失之以秦項之執尚至夷覆況今布衣相

聚草澤以是行之滅亡之道也今南陽諸
劉舉宗起兵觀其來議事者皆有深計大
慮王公之才與之并合必成大功此所以
祐吾屬也下江諸將雖屈強少識然素敬
常乃皆謝曰無王將軍吾屬幾陷於不義
願敬受教即引兵與漢軍及新市平林合
於是諸部齊心同力銳氣益壯遂俱進破
殺甄阜梁丘賜及諸將議立宗室唯常與

南陽士大夫同意欲立伯升而朱鮪張印

等不聽及更始立以常為廷尉大將軍封

知命侯別徇汝南沛郡劉放曰案沛在山東王常此時力未及往蓋

是南郡沛南絕相類也還入昆陽與光武共擊破王尋

王邑更始西都長安以常行南陽太守事

令專命誅賞東觀記曰誅不從命封拜有功封為鄧王食八

縣賜姓劉氏常性恭儉遵法度南方稱之

更始敗建武二年夏常將妻子詣洛陽肉

大八版五 后修五 九

袒自歸光武見常甚歡勞之曰王廷尉良

苦良甚也言苦軍事也每念往時共更艱危何日忘

之更經也艱危謂帝敗小長安造常壁與常共破甄阜及王尋等也莫往莫來

豈違平生之言乎平生言謂常云劉氏真主也誠思出身為用輔成大功常乃久

事更始不早歸朝帝微以責之故下文云吾與廷尉戲耳詩衛風曰莫往莫來悠悠我思常頓首

謝曰臣蒙大命得以鞭策託身陛下策馬櫛也言執

策以從之始遇宜秋後會昆陽幸賴靈武輒成

斷金伯升與常深相結故曰斷金易繫辭曰二人同心其利斷金更始不量

王常

愚臣任以南州

謂以廷尉行南陽太守

赤眉之難喪心

失望

謂赤眉入長安破更始

以為天下復失綱紀聞陛

下即位河北心開目明今得見闕庭死無

遺恨帝笑曰吾與廷尉戲耳吾見廷尉不

憂南方矣

謂南陽也

乃召公卿將軍以下大會

具為羣臣言常以匹夫興義兵明于知天

命侯與吾相遇兵中尤相厚善特加賞賜

拜為左曹

前書曰左右曹平尚書事

封山桑侯

山桑縣屬沛郡今亳州縣

後帝於大會中指常謂羣臣曰此家率下

江諸將輔翼漢室心如金石真忠臣也是

日遷常為漢忠將軍遣南擊鄧奉董訢令

諸將皆屬焉又詔常北擊河間漁陽平諸

屯聚五年秋攻拔湖陵又與帝會任城因

從破蘇茂龐萌進攻下邳常部當城門戰

一日數合賊反走入城常追迫之城上射

矢雨下帝從百餘騎自城南高處望常戰

力甚馳遣中黃門詔使引還賊遂降又別

率騎都尉王霸共平沛郡賊東觀記曰沛郡賊苗虛也六

年春徵還洛陽令夫人迎常於舞陽歸家

上冢西屯長安拒隗囂七年使使者持璽

書即拜常為橫野大將軍位次與諸將絕

席絕席謂尊顯之也漢官儀曰御史大夫尚書令司隸校尉皆專席號三獨坐常別擊

破隗囂將高峻於朝那囂遣將過烏氏那朝

縣屬安定郡也常要擊破之轉降保塞羌諸營壁皆

平之九年擊內黃賊破降之後北屯故安

拒盧芳故安縣屬涿郡故城在今易州易縣南也十二年薨于屯所

謚曰節侯子廣嗣三十年徙封石城侯石城

故城在今復州沔陽縣東南也永平十四年坐與楚事相連

國除

鄧晨傳

鄧晨字偉卿南陽新野人也世吏二千石

東觀記曰晨曾祖父隆揚州刺史祖父勳交趾刺史父宏豫章都尉晨初

娶光武姊元王莽末光武嘗與兄伯升及
晨俱之宛與穰人蔡少公等讌語少公頗
學圖讖言劉秀當為天子或曰是國師公
劉秀乎光武戲曰何用知非僕邪坐者皆
大笑晨心獨喜

東觀記曰晨與上共戰出逢使者不下車使百怒頗加耻辱上稱江

夏卒史晨更名侯家承使者以其詐將及光武與

家屬避吏新野舍晨廬甚相親愛晨因謂
光武曰王莽悖暴盛夏斬人此天亡之時

六十一

后傳五

十一

段

也王莽地皇元年下書曰方出軍行師有趨謹犯者

斬無須時於是春夏斬人都市百姓震懼也。劉放曰注有趨謹犯者案往時會宛獨當應邪光

前書犯字下少一法字武笑不答及漢兵起晨將賓客會棘陽漢

兵敗小長安諸將多亡家屬光武單馬遁

走遇女弟伯姬與其騎而奔前行復見元

趣於上馬元以手搗曰行矣不能相救無

為兩沒也會追兵至元及三女皆遇害漢

兵退保棘陽而新野宰乃汙晨宅焚其冢

劉曰辰

墓宗族皆恚怒曰家自富足何故隨婦家人入湯鑊中晨終無恨色更始立以晨為偏將軍與光武畧地潁川俱夜出昆陽城擊破王尋王邑又別徇陽翟以東至京密皆下之

京密二縣名屬河南郡京故城在今鄭州滎陽東鄭之京邑也密故城在滎陽東南也

更始北都洛陽以晨為常山太守會王郎反光武自薊走信都晨亦間行會於鉅鹿下自請從擊邯鄲光武曰偉卿以一身從

後傳五 十三

我不如以一郡為我北道主人乃遣晨歸

郡光武追銅馬高胡羣賊於冀州

劉放曰案賊本以

地自名故當如他處作湖字晨發積射士千人

積與迹同古字通用謂尋迹而

射之又遣委輸給軍不絕光武即位封晨房

子侯

房子今趙州縣也

帝又感悼姊沒於亂兵追封

謚元為新野節義長公主立廟于縣西封

晨長子沈為吳房侯

吳房今豫州縣也

以奉公主之

祀建武三年徵晨還京師數譙見說故舊

平生為歡晨從容謂帝曰僕竟辯之

光武前語

晨云何用知非僕乎故晨有此言也

帝大笑從幸章陵拜光祿大

夫使持節監執金吾賈復等擊平邵陵新

息賊

新息今豫州縣也

四年從幸壽春留鎮九江晨

好樂郡職由是復為中山太守吏民稱之

常為冀州高第

中山屬冀州於冀州所部郡課常為第一也

十三年

更封南鄉侯

鄉音力全反

入奉朝請復為汝南太

守十八年行幸章陵徵晨行廷尉事從至

大二十

后傳五

十四

辰

新野置酒酣讌賞賜數百千萬復遣歸郡

晨興鴻郤陂數千頃田

鴻郤陂名在今豫州汝陽縣東成帝時關東水

陂溢為害程方進為丞相奏罷之

汝土以穀魚稻之饒流衍它

郡

衍饒也

明年定封西華侯復徵奉朝請二十

五年卒詔遣中謁者備公主官屬禮儀

漢官

儀曰長公主屬傳一人負吏五人左僕射五人私府長食官長永巷令家令各一人也

招迎新

野主寃與晨合葬於北芒乘輿與中宮親

臨送葬謚曰惠侯小子棠嗣後徙封武當

鄧晨

棠卒子固嗣固卒子國嗣國卒子福嗣永
建元年卒國子國除

來歙傳

來歙字君叔

歙音許及反

南陽新野人也六世祖

漢有才力武帝世以光祿大夫副樓船將

軍揚僕擊破南越朝鮮父仲

東觀記仲作冲

哀帝

時為諫大夫娶光武祖姑生歙光武甚親

敬之數共往來長安漢兵起王莽以歙劉

漢書

卷之五

五

卷

氏外屬乃收繫之賓客共篡奪得免更始

即位以歙為吏從入關數言事不用以病

去歙女弟為漢中王劉嘉妻嘉遣人迎歙

因南之漢中更始敗歙勸嘉歸光武遂與

嘉俱東詣洛陽帝見歙大歡即解衣以衣

之

東觀記曰解所被襜褕以衣歙也

拜為太中大夫是時方

以隴蜀為憂獨謂歙曰今西州未附

西州謂隗囂也

子陽稱帝道里阻遠諸將方務關東思西

州方略未知所任其謀若何歙因自請曰
臣嘗與隗囂相遇長安其人始起以漢為
名今陛下聖德隆興臣願得奉威命開以
丹青之信揚子法言曰聖人之言明若丹青也囂必束手自歸

則述自亡之勢不足圖也帝然之建武三
年歙始使隗囂五年復持節送馬接因奉
璽書於囂既還復往說囂囂遂遣子恂隨
歙入質拜歙為中郎將時山東略定帝謀

歙行

後書五

十六

北齊

西收囂兵與俱伐蜀復使歙喻旨囂將王

元說囂多設疑故久允豫不決允豫不定之意也說文曰

允允行貌也音注東觀記云狐疑不決也歙素剛毅遂發憤質書囂

曰質正也國家以君知臧否曉廢興故以手

書暢意足下推忠誠遣伯春委質囂子恂是字伯春是

臣主之交信也今反欲用佞惑之言為族

滅之計叛主負子違背忠信乎吉凶之決

在於今日欲前刺囂囂起入部勒兵將殺

來歙

歛歛徐杖節就車而去囂愈怒王元勸囂
殺歛使牛邯將兵圍守之囂將王遵諫曰
愚聞為國者慎噐與名為家者畏怨重禍
噐車服也名爵號也言名與噐不可妄授也俱慎名噐則下服其命

輕用怨禍則家受其殃今將軍遣子質漢
內懷它志名噐逆矣外人有議欲謀漢使
輕怨禍矣古者列國兵交使在其間
左傳曰晉欒書

不任戰也何況承王命籍重質而犯之哉
君叔雖單車遠使而陛下之外兄也
光武之姑子故

曰外兄也 害之無損於漢而隨以族滅昔宋執
楚使遂有析骸易子之禍
左傳曰楚使申舟聘齊不假道於宋華元

曰楚不假道鄙我也乃殺之楚子聞之遂圍宋宋人懼
使華元夜入楚師告子反曰寡君使以病告弊邑易子
而食析骸以爨也 小國猶不可辱況於萬乘之主重
以伯春之命哉歛為人有信義言行不違

又往來游說皆可案覆西州士大夫皆信

來歛

歛三十四 右傳五 十七 辰

重之多為其言故得免而東歸八年春歙

與征虜將軍祭遵襲畧陽遵道病還分精

兵隨歙合二千餘人伐山開道從番須回

中番須回中並地名也番音盤武帝元封四年幸雍通回中道前書音義曰回中在汧汧今隴州汧源

也縣徑至畧陽徑直也斬畧守將金粟因保其

城畧大驚曰何其神也東觀記曰上聞得畧陽甚悅左右怪上數破大

敵今得小城何足以喜然上以畧陽器所依阻心腹已壞則制其支體也乃悉兵數萬

人圍畧陽斬山築堤激水灌城歙與將士

固死堅守矢盡乃發屋斷木以為兵器盡

銳攻之自春至秋其士卒疲弊帝乃大發

關東兵自將上隴畧衆潰走圍解於是置

酒高會勞賜歙班坐絕席在諸將之右賜

歙妻縑千匹詔使留屯長安悉監護諸將

歙因上書曰公孫述以隴西天水為藩蔽

改得延命假息今二郡平蕩則述智計窮

矣宜益選兵馬儲積資糧首趙之將帥多

來歙

來歙

賈人高帝懸之以重賞

高帝十年陳豨反於趙代其將多賈人帝多以

金購豨將皆降

今西州新破兵人疲饑若招以財穀

則其衆可集臣知國家所給非一用度不

足然有不得已也帝然之於是大轉糧運

東觀記曰詔於汧積穀六萬斛驢四百頭負馱

詔欽率征西大將軍馮

異建威大將軍耿弇虎牙大將軍蓋延揚

武將軍馬成武威將軍劉尚入天水擊破

公孫述將田弇趙匡明年攻拔洛門

聚名也解

見光武紀

隗囂支黨周宗趙恢及天水屬縣皆

降初王莽世羌虜多背叛而隗囂招懷其

酋豪遂得為用及囂亡後五谿先零諸種

數為寇掠皆營塹自守州郡不能討欽乃

大修攻具率蓋延劉尚及太中大夫馬援

等進擊羌於金城大破之斬首虜數千人

獲牛羊萬餘頭穀數十萬斛又擊破襄武

賊傅栗御等

襄武縣屬隴西郡也

隴西雖平而人饑

流者相望

流謂流離以就食也

歎乃傾倉廩轉運諸

縣以賑贍之於是隴右遂安而涼州流通

焉十一年歎與蓋延馬成進攻公孫述將

王元環安於河池下辯陷之乘勝遂進蜀

人大懼使刺客刺歎未殊馳召蓋延延見

歎因伏悲哀不能仰視歎叱延曰虎牙何

敢然今使者中刺客無以報國故呼巨卿

欲相屬以軍事而反效兒女子涕泣乎刃

大州十七

以古五

雖在身不能勒兵斬公邪延收淚強起受

所誠歎自書表曰臣夜人定後為何人所

賊傷中臣要害

何人謂不知何人也

臣不敢自惜誠恨

奉職不稱以為朝廷羞夫理國以得賢為

本太中大夫段襄骨鯁可任

骨鯁喻正直也說文曰鯁魚骨

也食骨留咽中為鯁

願陛下裁察又臣兄弟不肖終恐

被罪

肖似也不以猶不賢也

陛下哀憐數賜教督投筆

抽刃而絕帝聞大驚省書覽涕乃賜策曰

中郎將來歆攻戰連年平定羌隴憂國忘
家忠孝彰著遭命遇害嗚呼哀哉使大中
大夫贈歆中郎將征羌侯印綬謚曰節侯
謁者護喪事喪還洛陽乘輿縞素臨弔送
葬以歆有平羌隴之功故改汝南之當鄉
縣為征羌國焉征羌故城在今豫州偃城縣東南也子裒嗣十
三年帝嘉歆忠節復封歆弟由為宜西侯

東觀記曰宜西鄉侯

裒子稜尚顯宗女武安公主稜早

歆卒以稜子歷為嗣

論曰世稱來君叔天下信士夫專使乎二
國之間豈厭詐謀哉而能獨以信稱者良
其誠心在乎使兩義俱安而已不私其功
也

歷字伯珍少襲爵以公主子永元中為侍

中監羽林右騎

羽林騎武帝置宣帝令中郎將騎都尉監羽林見前書

永初

三年遷射聲校尉永寧元年代馮石為執

金吾延光元年尊歷母為長公主二年遷
歷太僕明年中常侍樊豐與大將軍耿寶
侍中周廣謝暉等共譏陷太尉楊震震遂
自殺歷謂侍御史虞詡曰耿寶託元舅之
親寶女弟為清河王慶姬即安帝
嫡母也故寶於帝為元舅焉榮寵過厚不
念報國恩而傾側姦臣誣奏楊公傷害忠
良其天禍亦將至矣遂絕周廣謝暉不與
交通時皇太子驚病不安避幸安帝乳母

扶光切

及傳五

二十二

方

野王君王聖舍太子乳母王男厨監邴吉
等以為聖舍新繕修犯土禁不可久御聖
及其女永與大長秋京京及中常侍樊豐
王男邴吉等互相是非聖永遂誣譖男吉
皆幽囚死家屬徙比景太子思男等數為
歎息京豐懼有後害妄造虛無構譏太子
及東宮官屬帝怒召公卿以下會議廢立
耿寶等承旨皆以為太子當廢歷與太常

桓焉廷尉張皓議曰經說年未滿十五過

惡不在其身且男吉之謀皇太子容有不

知宜選忠良保傅輔以禮義廢置事重此

誠聖恩所宜宿留帝不從宿留猶停留也是日

遂廢太子為濟陰王時監太子家小黃門

籍建中傅高梵等梵音扶皆以無罪徙朔

方歷乃要結光祿勳殺諷殺音下宗正劉瑋

將作大匠薛皓侍中閻丘弘陳光趙代施

大石七延太中大夫朱張張音丑第五頡頡音下中散

大夫曹成諫議大夫李尤符節令張敬續漢

言曰符節持書侍御史龔調續漢志曰持書侍

林右監孔顯漢官儀羽林右城門司馬徐崇

衛尉守承樂闈守承兼守長樂未央廐令鄭

安世等十餘人續漢志曰未央廐令一人長俱

詣鴻都門證太子無過龔調據法律明之

以為男吉犯罪皇太子不當坐帝與左右

來歷

患之乃使中常侍奉詔督羣臣曰父子一體天性自然以義割恩為天下也歷諷等不識大典而與羣小共為謹譁外見忠直而內希後福飾邪違義豈事君之禮朝廷廣開言事之路故且一切假貸若懷迷不反當顯明刑書諫者莫不失色薛皓先頓首曰固宜如明詔歷怫然字林曰怫鬱也廷誥皓曰屬通諫何言而今復背之屬近也通猶共也近

五十五

後漢書

二四

言共諫何乃相背也

大臣乘朝車處國事固復輾轉若

此乎

周禮曰卿乘夏縵大夫乘墨車輾轉不定也詩云展轉反側

乃各稍自

引起歷獨守關連日不肯去帝大怒乃免歷兄弟官削國租黜公主不得會見歷遂杜門不與親戚通時人為之震慄及帝崩閻太后起歷為將作大匠順帝即位朝廷咸稱社稷臣於是遷為衛尉殺諷劉瑋閻丘弘等先卒皆拜其子為郎朱張張音丑良反施

來歷

延陳光趙代等並為公卿任職徵王男邴
吉家屬還京師厚加賞賜籍建高梵等悉
蒙顯擢永建元年拜歷車騎將軍弟祉為
步兵校尉超為黃門侍郎三年母長公主
薨歷稱病歸第服闋復為大鴻臚陽嘉二
年卒官子定嗣定尚安帝妹平氏長公主
順帝時為虎賁中郎將定卒子虎嗣桓帝
時為屯騎校尉弟豔字季德少好學下士

開館養徒少歷顯位靈帝時再遷司空

贊曰李鄧豪贍舍家從讖鄧晨代以吏二千石為豪李通家富

為贍也少公雖孚宗卿未驗孚信也言蔡少公論讖其事雖信而

李守被誅是未驗也王常知命功惟帝念王常更始中為知命侯後歸朝

上錄其功封為列侯故曰帝念款款君叔斯無言玷玷缺也方

獻三捷永墜一劔小雅采芣詩曰豈敢定居一月三捷

李王鄧來列傳第五



